



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Imago Vechiana**

**Cossart, Gabriel**

**Parisiis, 1656**

S. D. N. Alexandro VII. Imago Vechiana.

**urn:nbn:de:hbz:466:1-38516**



S. D. N.  
**ALEXANDRO VII.**  
IMAGO  
VECHIANA.



Axime regnantum , qui terris omnibus vñus ,  
Qui regnis superūm , & regnis das iura profundis :  
Quamuis tergeminus supra fastigia rerum

Omnia surgat apex , decora & mortalia spernat :  
Non tamen indignum ( sit fas audere loquendo )  
Sternendūmve tibi munus ; sanctūmque , tuūmque  
Heroem offerimus . Tuus est , quo tintcta rubere  
Barbara tela vides ; quique Indica consecrat arua  
Vechiadæ sanguis , tuus est : & fonte ab eodem

A ij

Chisiadūm in venas, per mille heroīca ductus  
 Nomina, & Etruscæ fluxit decora inclita gentis :  
 Senensēsque auxit non vno numine Diuos.

Et nunc, credo equidem, sancto tibi pectore sanguis  
 Emicat occurſu cognati sanguinis, vltro  
 Omnibus exultans, si fas erumpere, venis :  
 Séque sui Vechi sociare cruarib⁹ ardet.  
 Indigetis Vechi, quem si, dum vita manebat,  
 Sanguine digna tuo nunquam sacra purpura texit,  
 Ipſe ſacro tinxit morientem murice ſanguis.  
 Vsque adeo vestræ debetur purpura genti.

Sed generis decus amplum, & nil vulgare ſonantes  
 Seu Chisī titulos, ſeu Vechi nominis, olim  
 Doctiūs expressos maior tibi ſiſtet imago,  
 Cunētos vna togæ oſtentans ac Martis honores.  
 Hæc mortale nihil, rebūſve affine caducis  
 Exhibit, ac ſenſu vetat indulgere profano.  
 Sacrum augustum, ingens, & ſanctā rite peractum  
 Relligione vides : ſacrum ne temne, Sacerdos,  
 Neu ſit Pontifici vilis, pretiosa Tonanti  
 Quæ fuit, & magnis eſt addita vičtima Diuis:  
 Cæde ſuā felix, & honesto vičtima leto.

Vechius hoc fatum trans & maria omnia longè,  
 Arentēsque plagas Indorum, & inhospita regna,  
 Quæ ſiit affectans: pulcræque ad mortis honorem  
 Mille per obiectas voluit contendere mortes.  
 Huc cursus fuit: hañc Brasilūm ſqualentibus agris,  
ſole

Sole sub ardenti , sitiebat Horatius vnam :  
Hanc & Atlanteo in magno , dum turbida contrà  
Æquora , luctantésque atris Aquilonibus Austri  
Tendebant , vnam mediis ardebat in vndis.  
Cùmque notis iactata , & summo pendula fluctu  
Iam cælum ratis & stellatos tangeret axes :  
Exiliit , iam iamque tenere micantia visus  
Limina , & optatos ardens irrumpere portus ,  
Naufragio felix. At præcipitantia vota  
Damnauit tamen : & , non sic , ait , astra placetis :  
Vos mihi per sœuas estis quærenda secures ;  
Iam deuota sacro sum viætima. Deinde vbi rursum  
Sideret in præceps fractæ mons spumeus vndæ ;  
Ferretürque simul , manes ruere usque sub imos  
Visa ratis , totóque abscondi mersa profundo :  
Palluit aspectu , atque ingloria fata refūgit  
Vechius. At vel sic , inquit , sic viætima fiam :  
Quidve mea refert , corpùsne immania cete ,  
Immanésne vorent Brasilj ? si me meus antè  
Non riget expurgéque cruor : tamen hostia Christo  
Non immunda cadam , cùm me maria omnibus vndis  
Eluerint mersum , & lustrale piauerit æquor .

Ah quoties populisque tuis , America , tuisque  
Moribus indignans , non es sat barbara , dixit ,  
Nec votis satis apta meis. Te scilicet vnam  
Immitem ante alias , & funera multa minantem  
Crediderat ; fixasque cruces in limine primo

B

Finixerat ingeniosus amor: víxque Indica puppi  
Litora contigerat, dudum ignorata carinis  
Litora, & ignotum longè semota sub axem:  
Cùm sibi deesse cruces questus, cœpítque morantes  
Incusare neces, nimis & parcentia fata.

Impatiens aram quærebat victima; votis  
Iam maestata suis. Tum sicubi acinacis Indus  
Fulserat, auditæve procul sonuisse secures:  
Me me, adsum, clamabat: & haud insueta triumphis  
Arma, crucem tollens; Christū nouus aduena, Christū  
Ibat in aduersos resonans: mox barbara Christum  
Agmina certatim, peregrinæ murmure linguæ,  
Quis credat? rūdibūsque sonis iam victa, vocabant:  
Non prius auditum votis venerantia nomen,  
Hospitis ante pedes. Quis tum tibi sensus, Horati?  
Cùm tua te fraudans votis ac morte petitā,  
Iam positam ante oculos rapuit victoria palmam?  
Nec lugere sinunt tot Christo parta trophæa;  
Nec patitur gaudere tuo mora facta triumpho.  
Quid facias? ambos magno sub pectore sensus  
Conciliauit amor: victori gaudia Christo  
Plena dedit, luctūsque sibi seruauit amaros.  
Et fluxere tamen communibus vtraque riuis  
Vechiadæ ex oculis. Lacrimas & sancta voluptas,  
Et sanctus dolor elicuit; scatebrisque verenda  
Ora super geminis ingentia flumina currunt.  
Et cùm fonte sacro plangentes pectora turbas

Mergeret, hæc sacro miscebat flumina fonti:  
 Diuinusque latex puris crescebat ab vndis.  
 O vtinam, addebat, nostri vos sanguinis amne  
 Fas foret eluere! At si nondum fata tulerunt  
 Ut caderem, nec adhue videor maturus olymbo,  
 Infelix: saltem pro me tibi victima, Christe,  
 Multa datur melior. Fert hæc tibi sacra sacerdos,  
 Victima qui fieri, fineret tua sancta voluntas,  
 Maluit. Interea nostræ non vnica cædi  
 Hostia proludat: mox ipse adiungar; & vltro  
 Sanguineis reddar iampridem debitus aris.

His animis orbes alios, aliisque calentes  
 Sole plagas peragrans, noua victor & inuia longè  
 Pandebat Christo spatia: exuuiásque subacto  
 De stygis imperio, post tempora longa receptas,  
 Ibat grata ferens cælesti munera regi:  
 Perpetuis operans sine cæde ac sanguine sacris.  
 Donec sanguineis, totâ quæ mente petebat,  
 Admotus sacris; siue hostia, siue sacerdos,  
 Occubuit tandem, atque animâ meliore litauit.

Chilenses terræ, toto quas vltima mundo  
 India disiungit, vos hic aspergine sacrâ  
 Lustravit cruor, & proprias sacrauit olymbo.  
 Tûque adeo nil iam decedis gentibus vllis,  
 Crimine facta tuo felix Elicura; tibique  
 Indignata licet, tellus tamen inuidet omnis:  
 Inuidet, & quo tincta mades venerata cruorem

Vechiadæ ; facinus , quod detestatur , honorat :  
 Téque ream cædis , clamátque hac cæde beatam .  
 Qui te autem , tellus tum barbara , cæcus agebat  
 Incautam furor , & stimulis vrgebat inquis ?  
 Ille tibi , post tot tenebris male mersa profundis  
 Sæcula , Diuini portabat luminis ignes :  
 Ille diu fessæ bellis , & pacis egenti ,  
 Pacem ibat , fœdusque ferens , orator Ibero  
 Ab duce delectus : sed nec sacra lumina ferre  
 Pandentem potuit , nec fœdera certa nouantem ,  
 Impius Anganamon . Vxorū hic agmina secum  
 Longa trahens , thalamis aliquas fugisse relictis  
 Dum videt , & Christi meliora in iura vocatas :  
 Sæuit in auctorem , castoque à sanguine pœnas  
 Illustris facti furiosus sumit adulter .  
 En vt agit flamas , toruaque in imagine sæuit  
 Ira superstes adhuc ; en implacabilis vltor  
 Ipse necem mandatque , oculisque immitibus haurit .

Nil agis his odiis : non hic tibi , barbare , sanguis  
 Funditur : hunc pacis vindex , tutorque pudoris ,  
 Libat ytrique cadens , pridem deuotus vtrique  
 Vechiades ; & , cùm tua castus regna rigarit  
 Pacificusque crux , gressum pax ocious istuc  
 Alma feret , ritusque pudor damnabit auitos ;  
 Et sancta populus compostus lege quiescet .

En etiam pœnis non sufficiſ vnuſ , Horati :  
 At necis adiuncti comites , quos inclitus ardor

Confor-

Confortes operum tantorum, haud parua secutos  
 Addiderat: trans & pelagi spatha omnia vectos,  
 Egerat extremos terrarum quærere fines.

Hinc sæuo mucrone cadit transfixus Aranda,  
 Fidus Aranda comes, quo non præstantior alter,  
 Seu patrare animis seu ferre ingentia magnis;  
 Et gentes mulcere feras, Christique triumpho  
 Addere prodigiis & certo numine vietas.

Inde afflictus humi traheris, clauaque trabali  
 Ceruicem elisus, nec vulnere saucius vno,  
 Montalbane, iaces; sacri qui munera exsors  
 Parua ministeria, & tenuem contentus obibas  
 Vilibus officiis per mille pericula sortem.

Vnius ad tristes nutus cecidere tyranni  
 Tergemini heroes: fratum simul edita cædes  
 Vna trium: inque vnum tres riui sanguinis amnem  
 Concordes coeunt, alueoque feruntur eodem.  
 Dux fuit ad cælum tamen; ingentemque, peremptus  
 Ante alias, animam fatis illustribus egit  
 Fortis Vechiades: seu primum hunc tela petebant,  
 Seu magis ipse ruit nudatos primus in enses;  
 Expectansque necem dudum, exultansque repartâ.

Namque vbi carnificum voces, longeque sonantum  
 Audiit armorum strepitus, ac sæua minantum:  
 Obuius exiliit, mortisque ad signa propinquæ  
 Gestiiit applaudens. Æstiuis mensibus anni  
 Haud secùs agricola exultat, cùm rauca sonare

C

Murmura nimborum incipiunt : mox vnda sequetur  
 Scilicet, optatūsque satis sitientibus imber.  
 Et quamuis tecto sub paupere staret ad aram  
 Gramineam , tum sacra parans , ingentia sacra  
 Queis mactata Deum non impar viētima placat:  
 Exiliit tamen impatiens , sacrifisque relictis,  
 Ad sacra tot votis dudum exoptata volauit.  
 Nec iam , Christe , tuum patri libare cruorem,  
 Sed te ambit placare suo. Ruit obuius ille  
 Carnificum turbæ ; ruit illi turba vicissim  
 Obuia carnificum. cædes optatur vtrimeque;  
 Hanc quærit feruens amor , hanc odia aspera portant.  
 Et dubitent oculi , malitne haurire cruorem  
 Impia barbaries , an fundere malit eumdem  
 Vechiadæ pietas , & amanti reddere Christo.

Ne plagis rimare viam furiose , locumve  
 Solicite explora : patet ecce ad vulnera totus ,  
 Hostibus & nudans obiectat pectora , telisque  
 Indefensa aperit : quæ saeuâ barbarus hastâ  
 Transadigit rumpens , animamque recessibus altis  
 Insequitur latitantem , & durâ cuspidi pellit.

Vicus inest tabulæ sensus , spirantque virorum  
 Expressæ effigies. Cernis flammata necantum  
 Ora , trucesque oculos ? cernis lætamque iacentis  
 Herois frontem , blanditaque lumina morti ,  
 Et superis blandita vocantibus ? vnius harent  
 Ecce poli aspectu , & quamuis morientia languent,

Nituntur tamen, & promissa ad sidera tendunt:  
 Seu properantē animam supera ad conuexa sequūtur,  
 Seu magis anteuolant cunctātem, & ad æthera ducūt:  
 Designāntque vias sese ad sua regna ferenti.

Nec satis est sœuis tortoribus vnica cædes,  
 Nec, Vechi, satis vna tibi. Noua destinat ecce  
 Vulnera trux alter; téque in caput ense reducto  
 Mox feriet: sic tu maectabere sæpius idem,  
 Vnāquē sufficies non vni victima sacro;  
 Et paci deuota eadem, & deuota pudori.

Nec desunt oculis fontes, castoue flagrantes  
 Corde foci, votiuia quibus se se hostia maectat  
 Christo totamadolens. Sacro si visus abesse  
 Turis honos: supplent suspiria turis honorem  
 Ignea missa polo, superum quæ templa vaporant,  
 Turea dona supra, fumosque accepta Sabæos.

Hic etiam sacri vice turis, & ignis odori,  
 Fumat Vechiadæ sanguis, gratosque vapores  
 Idem halans cælo mittit, vocesque disertas.  
 Non quales fudit, primus qui cæde recentem  
 Tinxit humum sanguis, cum questibus æthera pulsans  
 Posceret vtrices fraterno à sanguine pœnas.  
 Vocibus æternum resonans petit astra benignis  
 Pacificus Vechi crux: assiduusque Tonantis  
 Ad solium orator, pro caris supplicat Indis.  
 Hoc pius officium sœua pro morte rependit.

Nunquam deinde crux tacuit facundus: at Indos

C ij

Visque docet resonans, & iter designat olympos.  
 Perpetuisque operans, etiam post funera, sacris  
 Solennes iterat voces; procul este profani,  
 Este procul, clamans, nostraque absistite terrâ.  
 Irrita nec clamat. Fugiunt sensusque profani,  
 Sacrilegique patrum ritus, dum cedere virtus  
 Sanguinis imperiosa iubet: tandemque Chilensi  
 Incipit & pietas, & pax assuescere cælo.

O pietas! ô pax! hæc Indis munera quondam  
 Inclite CHISIADE, patrum Optime, Maxime regum,  
 Sanguine parta tuo: populis hæc omnibus idem  
 Ferre parat sanguis, cæloque accire laborat  
 Optatam Europæ, post tot bella aspera, pacem.  
 Pax tibi solus amor. Pacem, seu publica curas,  
 Regnorum inuigilans fatis, seu sancta labori  
 Otia succedunt, pacem meditaris; & vnam  
 Voce vocas, votisque & curis omnibus vnam.

Quam sæpe, incenso latebras dum quæris amori,  
 Interiore domo, tua te suspiria produnt,  
 Ædibus in sanctis vnam resonantia pacem!  
 Auditæque alto de pectore rumpere voces:  
 O pax! ô bona pax! si te nisi sanguine fuso  
 Exorare nefas: nostro tibi sponte litamus.  
 Vulnera cur desunt votis? ô funere felix  
 Vechiades noster, cecidit qui victima paci!  
 I cruor, i venis cruor omnibus, atque nefandas  
 Bellorum restingue faces. His pacis amator

Feruidus

Feruidus indulges votis, vrgésque morantem.

Quòd si te seruant populis, parcúntque cruori  
Fata tuo, nec emi poscunt alma otia tanti;  
Si satis est, venis haustum morientis Horatī  
Iam paci fluxisse semel: pro sanguine iuges  
Das paci lacrimas: placidus nec definit imber,  
Fulmineósque inter strepitus, intérque furentum  
Murmura bellorum, & tristes manare procellas.

Ac veluti cæli in medio, Boreæque Notique  
Prælia cùm miscent, euertúntque omnia latè  
Frenari indociles: ruerit si nubibus imber  
Largior, incipiunt positis mansuescere bellis  
Discordes ventorum animæ, pluuiique fugantur  
**A**spectu Iouis, & toto procul æthere cedunt.  
Haud aliter lacrimísque tuis compressa residet  
Bellatum rabies populorum, ac læta serena  
Restitues terris. Et iam mitescere regna  
Vocibus obsequiosa tuis, inflexaque corda  
Regnantum aspicio, sanctæque fauentia paci.  
**T**u modò dic leges, & fœderis vnicus esto  
Arbiter æterni. Terras tremefecerit armis  
Sæuus Alexander: Tu nomine clarus eodem,  
Clrior & pacis titulis dicere; decúsque  
Maius erit, fesso bellis succurrere mundo.

Et memor orbis erit: tibiisque immortalia gentes  
Pacatæ decora, & sæclis visenda futuris,  
Marmoreos arcus centeno fornice tollent:

D

PACIFICOQUE alacres inscribent marmora PATRI.  
 Has tibi Relligio moles, has Gloria tollet  
 Omnibus in terris; nec erit plaga nominis expers  
 Vlla tui: seu sancta rigans vbi mœnia Tibris  
 Lene fluit, seu quâ tranquillo Sequana manat  
 Flumine, seu præcps tumido quâ currit Iberus.

Nec tibi non tollat monumenta perennia Rhenus,  
 Aut generosa tuo Germania desit honori:  
 Illa tibi (sors hæc tot clades vna leuabat)  
 Nota diu, suauisque; diu virtutibus hospes  
 Consecrata tuis: cùm pacis maximus auctor,  
 Inter tot proceres omni de gente profectos  
 Considens medius, venerabile nutibus vnis  
 Concilium regeres; iam tum caput agnitus orbis;  
 Pacificus iam tum, crudeliaque arma perosus.

Hæc tibi pacis erant inter tot bella parandæ  
 Prima rudimenta, & magni parua orsa laboris.  
 Suasor eras pacis, nunc arbiter. Ecce Quirini  
 Augustum ad collem conuersus respicit orbis,  
 Quæ sibi fata pares. Iam cæli limine primo  
 Aurea pax, rosea, Petri quâ culmina surgunt,  
 Nube latens, sedet. Huc illam tua vota vocarunt.  
 Perge modò: en celeres primis iam nisibus alas  
 Commouet, exhortans sese; tentatque volatum,  
 Iam desueta diu. Nihil est, quod deinde moretur:  
 Exspectatque tuos lapsura ex æthere nutus.

Tunc vatum egregij cantus Helicone profano

Cessabunt omnes : te sanctis montibus vnum  
 Et voces & plectra canent : pacisque parentem  
 Progenies pacis tollent ad sidera Musæ.  
 Dulcis amor Musæ tuus , & melioribus annis  
 Deliciæ, cùm te paulum subducere curis  
 Fas erat , & grandi IVVENILIA ludere versu :  
 Nec commissus adhuc inuiderat otia Mundus.

Accedent aliæ votis communibus artes:  
 Pacificis omnes studiis ; tibi pacis amanti  
 Caræ omnes : quarum ingenio vicisse magistros  
 Diceris , Ausonios inter doctissimus vnuſ,  
 Et tabulis pretium , & spiranti ponere saxo.  
 Certabunt ærique color , marmoreque colori :  
 Omniaque in vultus artis miracula cernam  
 Ire tuos. Vincet radio Possinus Apellem ,  
 Praxitelem cælo Berninus , & omnibus ora  
 Hic tua pigmentis imitabitur ; ille metallis.

Nulla tibi ramis non cincta virentis oliuæ  
 Effigies surget : cunctas & ciuica quercus ,  
 Et vatum vnuſ honos laurus Parnassia cinget :  
 Tolleturque triplex triplici de frondē tiara.  
 Et tibi tot florere oleas pax alma iubebit ,  
 Quot palmas atauis heroibus aspera Mauors  
 Inter bella dedit. vestræ viret vtraque genti  
 Arbor , & æternos vestro dat munere fructus.

Tot terrarum inter studia , & molimina tanta  
 Certantum officiis populorum , operumque labores


D ij

Immensos , tenuis non deditabere musæ  
 Obsequia, & nostros exilia munera cantus.  
 Namque tuæ pars laudis erunt venientibus annis  
 Hi quoque , séque humiles donis maioribus addent.  
 Et facient animos etiam tua carmina nostris.  
 Illa quidem nostros tantum superantia nifus ,  
 Quantum Phocaicas Heliconis culmina valles :  
 Sed tamen incendent vatum genus omne , tuisque  
 Responsare modis , quanquam inferiore camœnâ ,  
 Ambitionis erit : tu dux eris vñus , & vñus  
 Materies ; Musisque resolues omnibus ora.  
 Vt cùm vere nouo siluæ regina sonantis  
 Præcinuit philomela , stupet nemus omne , chorûsq;  
 Doctarum alitum , nec posse æquare fatentur.  
 Excitat vna omnes tamen , argutisque superba  
 Prouocat ad cantus : præuntem sponte secutæ  
 Certatim modulantur aues , carménque magistræ  
 Aut ardent imitari , aut non imitabile laudant.  
 Prima tibi pendunt hæc veſtigalia nostræ  
 Pierides , tenuique canunt præludia versu :  
 Dicturæ maiora , & tot tua nomina linguis  
 Missuræ in populos , quot latè in dissita regna  
 Spargimur Ignati soboles , insignis I E S V  
 Nomine , per terras iurata vndásque per omnes  
 Ire , redire tuo , mortésque laceſſere , nutu.  
 Hanc tibi deuotā pridem , & complexus amantē es ,  
 Fouistique ſinu , caræ tibi gentis I E S V

Ante

Antè pater , quām te dixisset terra parentem.  
 Nunc quoque terrarum quamuis moderaris habenas  
 Summa tenens , supplēxque tibi summittitur orbis:  
 Non tamen ex illo despectos culmine rerum  
 Negligis , aut patrij cessas oblitus amoris.  
 Sed pius vsque faues ; intérque negotia Mundi ,  
 Nostra tamen curas. Quòd si persoluere grates  
 Haud opis est nostræ , meritibus ingentibus æquas :  
 At non fortè tibi spretas nostérque , tuúsque  
 Vechiades , vnus cunctorum nomine reddit ,  
 Nostrorum interpres studiorum , & idoneus obses.

Hunc adeo , magnâ non cassum laude , tibîve  
 Indecorem , parua quamuis in imagine , cernis.  
 Et sit parua licet , tantum annue , Mundus adorat.



Collegi fortis Iesu pab[il]o, 1633 dono p[ro]p[ri]o Kappenberg

